



Plata dla Ploania Rina



Ploan: siur Paul Campej
E-mail: fam@craftonara.eu

Calogna: 0474/520012
Handy Siur Paul: 380/7345533

www.unitepastorala.org

Ann A 22.03 - 29.03.2020

n.17

VANGELE DLA 4. DOMENIA DE CARSEMA A Jan 9, 1-41

Jon por tru, â Gejù odü n'ël che ê verc da so nadè insö.

Dailò l'â sü discepui damanè: Rabbi, ch'è à pa fat picé? Èl instès?

O à sü geniturs fat picé, ch'al é nasciü verc? Gejù à respognü:

No sü geniturs, no ël, mo l'opra de Dî dess gnì manifestada pro d'ël

Do che Gejù â albü dit chësc, àl spodé ia por tera;

spo àl fat cun la spöda na pâsta, ti l'â sferiada al verc söi edli y ti à dit:

Va y làete tl lèch de Sciloa; L'ël é jü y s'â lavè. Y canch'al é indô gnü, odôl....

I farisés che ê gnüs alsavèi l'â piada sö cun le verc,

ciodí ch'ai n'orô nia crëie che Gejú l'â varí.

Y ai l'â sciuré fora. Gejù â aldì, ch'ai l'â sciuré fora,

y canch'al l'â incuntè, ti àl dit: Crëieste tl Fi dl Om?

L'ël à respognü: Ch'è é pa chël, Signur? Dimal, por ch'i crëies te ël. Gejù ti à dit: Te le vèighes dan da tè; chël che baia cun tè, chël é.

Y al à dit: I crëii, Signur! Y al s'â petè jö dan da d'ël.

A Gejú ne ti interessèia nia la discussiun che é stada. Al ti ciara a chël ël che é sté verc sc'al é bun da odèi y da crëie.

Ince chël ël capësc sëgn che Gejú n'é nia ma un che fej mirachi, mo che "al é n profet". sciöche al ti á respognü ai farisés.

De un n vers se tratera dl odèi fisicamënter y concretamënter cun i edli. Do chësc podunse perié. Dl ater vers se tratera da odèi cun le cör te na manira plü sota y lominosa, sciöche Idî vèiga les cosses. Y ince do chël orunse perié



Fora dal vangele:

**I sun gnü te chësc monn a iudiché,
por che i verc vèighes y chi che vèiga
vègnes verc. Á dit Gejú – Jan 9, 39**

Le dí di atri y le iudiché vëgn spontan danter nos porsones. Sön chësta Parora de Gejú lasci ël ester le iudicadú iüst y i proii da ester pro i verc y i me lasci daurí i edli da ël instès.



INFORMAZIUNS PLOANIA

Tla vita sunse tres endó confrontés con cosses co se fej ponsé, ince avenimonc desco l'ont y la gran nei, co á fat dann; sen les coies, co á architè döt cant. Al se fej ponsé. I minun da n'avei nia tomp da perde por l'oraziun, da jí a Messa y en prozesciun, nia dlaorela da tigní la domegna y da fá en sorvisc tla comunité; döt tomp pordü. Y sen s'á döt tigní sö t'en iade, architè jö nosta büsia da messei fá y da nia pordüje. Sen él da sté a ciasa y nia jí entoronn, nia plü turism a vigne cost. I án davagné tomp; i sun endó nos; i viun por nos y con nos. Na pert dij: cösc orêl ester, cösc se fej bun. I orun s'acontenté y emparé da odei ince les atres beles cosses, ince les atres porsones y samben Chelbeldio. I án la liberté y responsabilité... odarun! I essun ince orü tigní na Carsema plü intensiva tla comunité, mo ara é jüda atramonter; ensciö é vignönn enstes envié a na preparaziun personala ala gran Festa de Pasca, ch'i sperun/periun de podei endó festejé duc deboriada „sani e salvi“.

Signor Degan Iaco Willeit

INFORMAZIUNS DESVALIES

Sorvisc ai Jogn: lasciun alessi che tal proiet COOL SUMMER (5 elementara - 2 mesana) él ciamo te cöstes edemes posc a desposiziun: S.O.S (06.07-10.07), Curs da bouldern (6.7-10.7), Skateweek (20.7-24.7), N'edema da atur (27.7-31.7), Lego Technik Freak (10.8-14.8 Grup B), Mi laur tl dagni podess ester (10.8-14.8) y Cartoon music and beats (17.8-21.8). Tal proiet MY SUMMER (dala 3 mesana ala 2 scora alta) él ciamo la poscibilité da se scrí ite a: Curs da cujiné (20.7-24.7), Game week (27.7-31.7) y Edema sö por munt (27.7-31.7). Iscriziuns tres la plata internet: www.proiec.org. Por enformaziuns cherdé sö te SaJ, TEL 0474 523070.

La Ciasa de Palsa chir praticanc/antes danter 16 y 21 agn por l'isté, che a vöia y motivaziun da imparé da conösce la ciasa de palsa y sü berbesc y mëdes. Informaziuns plü monüdes ciafon tla Ciasa de Palsa por telef. 0474 524700 y te internet: www.sommereinmalanders.it Se scrí ite p ó n c ina ai 03.04 .2020 diretamënter tla Ciasa de Palsa por e-mail michaela.taibon@ciasadepalsa.it